

Inte questo bello libro gh'è tutta a stòia, ben documentâ anche con disegni e tantissime fotografie de l'epoca: o primmo viaggio o l'è stæto do 1929, l'urtimo (amagonòu) do 1967, perché intanto aivan fæto a stradda e oramai a-a Goardia se gh'anava co-a machina ò co-a coriera. Ma o traciato da goidovia o gh'è ancon, o se ciamma *Percorso verde* e o se fa a pê...



Giorgio Passerini, “Los hermanos Bianchi” – Tre corsari genovesi al servizio della rivoluzione venezuelana (1813-1814), Aracne Editrice, Roma 2014, pagg. 216

L'aotò o l'â vosciu regalâ a-a nòstra biblioteca questo libro ch'o ne conta di fæti ben pòco conosciui. A-i tenpi da revoluzion veneçoelann-a trei fræ zeneixi, ch'ean armatoî e capitagni de mâ e navegavan sorvia tutto pe comèrcio, aivan misso e seu navi a disposiçion di revoluzionai; quande a facenda a s'è inbrogiâ, en stæti acuzæ d'avei aròbbou de gren richesse e comme delinquenti en pasæ a-a stòia inte quello Paize.

O Passerini, co-in studio ben ben aprofondio e documentòu inti minimi particolari, o dimostra che i fræ Gianchi no ean gente gramma e che-e còse no en anæte pròpio comme e-e contan lazù pe no goastâ a memòia di seu eròi.




Claudio Paglieri, Liguri – Guida ai migliori difetti e alle peggiori virtù, Edizioni Sonda, Casale Monferrato 2006, pagg. 144

Pe chi no l'è zeneize o l'è in manole d'instruçion pe inparâ a manezane; pe noiatri, lêze questo libro l'è comme

amiase inte 'n spégio, e se aviemmo a basta de senso de l'umorismo pe rie de nòstre magagne, ghe saiâ da fasene ben ben de gösciæ (ch'a l'è tutta salute).

O Claudio Paglieri o sa de còs'o parla perché Zena a l'è a sò çitæ e do nòstro mòddo d'êse e de vive no gh'è scapòu pròpio ninte: o sa, pe dí, che quande ne regallan quarcòsa no ne ven manco in cheu de caciâ via o papê e o spaghetti, che conservemmo con cûa pe fasciaghe magari in regalło riciclòu. Opure che lavemmo i gòtti de papê perché ne fa tròppo mâ pro caciali inta rumenta con aveili dêuvia solo 'na vòtta.



Scuola Secondaria di I° grado “D’Azeglio – Lucarno” (a cura della), Ezio Lucarno: oltre il partigiano, Fratelli Frilli Editori, Genova 2008, pagg. 352

O Ezio Lucarno o l'ea in partigian zeneize mòrto zovenissimo do '44, a dixett'anni. Do 1978 gh'an intitolòu 'na scheua e quande, pe-o Sesanteximo da Rexistensa inta valadda do Bezagno, i figeu da classe I B co-a seu insegnante Giancarla Cogorno an fæto de riçerche in sce questo partigian, an scoperto co l'aiva 'na seu in pò ciù grande che lê e che questa seu (mòrta do 2002) a l'aiva lasciòu in diario scrìto a machina.

Gh'an travagiòu trei anni e n'an fæto in bello libro, interessante da leze pe chi à visciu quelli anni ma fòscia ancon de ciù pe chi no gh'ea, comme questi figeu ch'an fæto e sò riflesciòu in inparòu de seguò quarcòsa.

